

1285-1285- OFP - Acta Capitulum Generalium Bononie Celebrati

In nomine patris et filii et spiritus sancti. Amen.

Acta capituli generalis Bononie celebrati
anno Domini · M° · CC° · LXXXV° ·

Confirmamus has constitutiones. In capitulo de capitulo provinciali. ubi dicitur. infra idem tempus. deleatur. idem tempus. et dicatur. quinquennium ab ingressu ordinis fratres alii etc. Et hec habet tria capitula.

Item hanc. In capitulo de visitatoribus. ubi dicitur. priores autem seu lectores. addatur. seu subpriors. Et hec habet tria capitula.

Item hanc. In capitulo de electione prioris provincialis. ubi dicitur. hoc excepto. quod eos includi sicut in electione magistri non oportet. addatur. tres autem priores conventuales. qui primitus habitum nostri ordinis susceperunt; disquirant et recipiant vota fratrum. Et hec habet tria capitula.

Item hanc. In capitulo de capitulo provinciali. ubi dicitur. predicatorum autem generales dicimus. qui per priores provinciales et diffinitores capituli provincialis fuerint instituti. addatur. quos instituendi nullus vicarius etiam cum diffinitoribus habeat potestatem. dicti autem predicatorum dicto officio non fungantur; nisi in provincia. in qua fuerint instituti. Et hec habet tria capitula.

Item hanc. Ubi cumque fit mencio de confessione generali in officio ecclesiastico. ubi dicitur. confiteor deo et beate Marie. addatur. et beato Dominico. Et hec habet tria capitula.

Iste sunt approbaciones.

Approbamus has. In capitulo de ieiuniis. ubi dicitur. et vigilia Iohannis Baptiste. Petri et Pauli. Iacobi. addatur. et beati Dominici patris nostri. Et hec habet · ii · capitula.

Item hanc. In capitulo de electione prioris provincialis. ubi dicitur. ad hoc idem electos a maiori parte conventus. addatur. per disquisitionem superioris vel gerentis vices eius. et duorum fratrum. qui primitus habitum nostri ordinis susceperunt. Et hec habet · ii · capitula.

Item hanc. In capitulo de electione prioris provincialis. in fine addatur sic. si vero in provincialatu decesserint. libri et alia. que habuerint per provisionem ordinis a provincia. antequam essent provinciales vel etiam ab aliquo conventu; ad provinciam vel conventum simpliciter pertinebunt. alia vero omnia que habuerint sint illorum conventuum; de quibus assumpti fuerunt. ea vero que adquisierunt tempore provincialatus. ad provincias quarum erant priores; spectabunt. Et hec habet · ii · capitula.

Item hanc. In capitulo de studentibus. ubi dicitur · iiiior · autem provincie. deleatur totum usque ibi. provideant etc. et dicatur sic. sex autem provincie. scilicet. Hispania. Provincia. Lombardia. Romana provincia. Theotonia. Anglia provideant etc. Et hec habet · ii · capitula.

Item hanc. In capitulo de capitulo generali. in fine addatur. capitula generalia uno anno intermittantur et sequenti anno celebrentur. et quicquid contra sententiam huius constitutionis repertum fuerit in constitutionibus; per diffinitores primi sequentis capituli removeatur. Et hec habet · ii · capitula.

Iste sunt inchoaciones.

Inchoamus has. In capitulo de officio ecclesie. ubi dicitur. audito primo signo surgant fratres. deleatur quod sequitur usque ibi. matutinas autem. et dicatur sic. et facto secundo signo stando dicant in choro ante horas canonicas omnes horas de beata virgine pro tempore. completorio excepto dumtaxat; quod post completorium diei dicatur in choro.

Item hanc. In capitulo de domibus construendis et concedendis. ubi dicitur. cura vel custodia monialium seu quarumlibet aliarum mulierum nostris fratribus non committatur. addatur. nisi de licencia magistri ordinis speciali.

Item hanc. In capitulo de electione diffinitorum capituli generalis et provincialis. ubi dicitur. fratres autem qui uno anno electi sunt. etc. deleatur totum usque ibi. idem dicimus. et dicatur sic. fratres autem qui in uno anno in capitulo generali vel provinciali diffinierint; non possint in sequenti capitulo diffinire.

Item hanc. In letania ubi dicitur. sancta Katherina ora pro nobis. addatur. sancta Margareta ora pro nobis.

Iste sunt admoniciones.

Admonemus. quod omni tempore dicatur semel in septimana missa conventualis de beata virgine. nisi causa legitima obstiterit.

Item. Inhibemus districte. ne in electionibus ordinis quibuscumque aliqua fiat inductio directe vel indirecte sub pena admonicionis capituli precedentis que talis est. Inhibemus districte. ne fratres faciant inductiones in electionibus. et priores provinciales vel eorum vicarii inquirent de hoc diligenter. et si contra hoc aliqui fecerint de cetero; priores provinciales vel eorum vicarii privent eos vocibus in omni electione per triennium. per eosdem etiam acrius puniantur.

Item. Volumus et ordinamus. quod inquisitores heretice pravitatis ad capitula ordinis. secundum modum ordinis teneantur venire.

Item. Monemus et districte iniungimus. quod constitutio de non eundo ad curiam Romanam nisi de licencia magistri ordinis. vel capituli generalis; arcus observetur.

Item. Fratres non utantur licencia loquendi in mensa aut aliis dandi. nisi literas de data sibi auctoritate ostendant speciales.

Item. Scrutinia non fiant de cetero de lectoribus retinendis vel eciam amovendis.

Item. Volumus et ordinamus. quod nullus frater fiat episcoporum vel electorum vicarius; in rebus temporalibus dispensandis.

Item. Admonemus fratres. quod a loquitorum frequencia se subtrahant. et iniungimus prioribus et eorum vicariis; quod hoc faciant diligencius observari.

Item. Fratres bursas et capsellas amoveant et eisdem de cetero non utantur. Item. Inhibemus. ne priores libros fratrum defunctorum seu alia alienent; sine consensu conventus.

Item. Monemus. quod fratres qui habent scribere magistro ordinis et diffinitoribus capituli generalis vel provincialis; breviter et aperte scribant.

Concedimus provincie Hyspanie; · iii · domos unam ponendam in Galicia et duas ponendas. ubi provinciali et diffinitoribus provincialis capituli videbitur expedire. cum assensu et voluntate maioris partis ipsius.

Item. Provincie Provincie; · iii · domos. Romane provincie · ii · Provincie Alamanie; · iii · domos. et ponantur

omnes ubi prioribus provincialibus et diffinitoribus capitulorum provincialium; visum fuerit expedire. Letania more solito dicatur.

Ista sunt suffragia.

Pro domino papa. quilibet sacerdos · v · missas.

Item. Pro venerabili collegio cardinalium. et statu universalis ecclesie; quilibet sacerdos · iii · missas.

Pro domino Hostiensi; quilibet sacerdos · ii · missas. unam de beata virgine et aliam de beato Dominico; et quilibet conventus · i · de spiritu sancto.

Suffragia prodefunctis.

Pro animabus bone memorie domini Nicholay. [et domini] Martini Romanorum pontificum; quilibet sacerdos · i · missam. etc. [Scil. Nicolai III. † Suriani 1280 aug. 22. et Martini IV. † Perusii 1285 mart. 28.].

Absolvimus priores provinciales Terre sancte; Hungarie. Priores conventuales; Mediolanensem. Asculensem. sancti Severini. etc.

Item. Priores Massiliensem de provincia Provincie. Albiensem de eadem provincia. et ordinamus. quod per duos annos non assumantur ad officium visitandi.

Item. Priores Montis Albani. Brageriacensem. Briviensem de eadem provincia. pro eo quod sine licencia venerunt et cum multitudine ad capitulum generale. et ordinamus. quod priores hoc anno absoluti in eisdem provinciis et conventibus. ad eadem officia nullatenus assumantur.

Item. Absolvimus omnes predicatores generales de provincia Provincie institutos post capitulum generale in Montepessulano proximo celebratum [De praedicatoribus generalibus institutis per cap. provinciale Montispessulani a. 1283 celebrati].

Item. Lectores de eadem provincia. qui venerunt ad capitulum generale cum multitudine et sine licencia; suspendimus usque ad annum ab officio lectionum.

Item. Aliis fratribus eiusdem provincie. qui venerunt sine licencia ad capitulum generale; · v · dies in pane et aqua. · v · disciplinas iniungimus.

Committimus magistro ordinis ordinationem studiorum generalium. ut ipse de magistris et bacallariis ordinet et disponat; prout generali utilitati ordinis viderit expedire.

Item. Volumus et iniungimus. quod diffinitores capituli presentis et futuri. et electores magistri deducantur de conventu ad conventum.

Sentencias iudicum approbamus.

Sequens generale capitulum Parisius assignamus. et diffinitores sint ibi dominica infra octavas ascensionis.

Actis additae sunt litterae magistri ordinis; cf. app. n. XXVI.